

壬癸志稿二十

太倉錢寶琛伯瑜輯

同里

葉裕仁涵溪  
季錫疇崧耘  
趙兆熊耳山  
畢庭杰雄伯

參校

人物

鎮洋縣

列傳

國朝

張敘字濱璜文華子雍正十年舉人乾隆元年舉博學鴻詞十六年舉經學皆報罷二十六年以耆年宿學

賜國子監學正生平沈潛理學穿穴經奧名重公卿間

壬癸志稿

鎮洋 列傳

一

前後主講潞河蓮池白鹿諸書院成就人才甚多會開四庫館當事以所著易貫詩貫二書進呈收入提要總目卒年八十六子郝元有傳

王成字輯青時儁孫乾隆七年進士授兵部職方主事遷武選員外郎充會典館纂修十四年轉郎中秩滿記名以繁缺道府用明年秋充雲南學政十七年冬調任四川振拔孤寒士風爲之興起任滿入都授安徽廬州知府廬州爲包拯舊治成抵任卽以拯清心爲治本之句顏於堂以自警政務簡靜慈祥而於姦猾不少貸如禁廬江之私墾湖田無爲之盜挖礬山均於民生有實

政三十二年引疾歸宦橐蕭然知州貴中孚以州志請修屬橐稍就會中孚離任去事遂寢家居二十年碩德偉望兼負人倫鑒卒年八十三子莘槐字魏景乾隆三十年舉人任岳陽知縣致仕亦享大年

汪廷璵字衡玉先世由新安徙太倉初名璿學政張廷璐易今名乾隆十三年成進士第三人授翰林院編修御試翰詹各官題爲納涼賦廷璵以宵旰雨暘憂勤民事立言 上嘉其用意正大擢一名超授侍講學士充日講起居注官視學福建適功令增用試帖閩士狃於土音類多聲病廷璵爲講求音釋一時生童多

壬癸志稿

鎮洋 列傳

二

能詩者尋擢少詹事入直上書房侍 皇六子講席自後供奉 內廷居澄懷園歲與 重華宮茶宴遷內閣學士兼禮部侍郎四十一年以金川平定奉 命之山東江南浙江祭告嶽瀆陵寢禮成請假歸省持節過里門爲母稱慶族黨榮之尋擢工部右侍郎丁內艱服闋入都仍署工部轉左兼內直充四庫全書總閱奉 命如盛京恭齋 冊 寶將啟行忽以無疾卒年六十六生平風度凝重簡默寡言笑持身謙謹服官四十年久趨禁近小心慎密退則校勘圖史無異爲諸生時凡五典鄉試四視學政甄拔多績學工文之士祀鄉賢

畢沅字纘衡先世由休甯遷太倉後析鎮洋縣遂爲縣人乾隆十九年舉順天鄉試由內閣中書直軍機處二十五年成進士舉 廷試第一授修撰三十一年以翰林侍讀充會試同考官累遷至左春坊左庶子先是以講官侍 耕藉奏對稱旨旋授甘肅鞏秦階道以勞績洊擢巡撫官至湖廣總督卒贈太子太保沅受 主知最深遇有陳奏無不嘉納立予施行初擢陝西按察使入覲首以甘肅苦旱情形具奏是秋 詔豁通省積欠四百萬兩其撫山東奏除通省民欠四百八十七萬兩常社米穀五十萬四千餘石歷撫秦楚兗豫前後奏豁

壬癸志稿

鎮洋 列傳

三

四省無著民欠以億萬計嘗從總督明山出嘉峪關自木壘河至吉水薩往返數萬里查辦營屯悉合機宜其署西安將軍清出八旗馬廠空地與平盤屋一帶者四百八十餘頃開墾固原一帶營廠地一百七十餘頃又漢陽一帶沙地數百頃其後墾荒日增西餉亦得漸減先是在河南會連遭水旱民間田產輕押賤抵多爲山西富民侵占因奏陳自四十九年後田之價值過賤者許原主陳明取贖以三年爲限連麥準賣之地限半月內聽原主收割自是民無失業方大小金川連年用兵各路調發均由隴棧入川沅籌備軍儲凡五年而事

竣無一失供在楚任會銅仁苗民石柳鄧永綏苗民石  
三保聚眾劫掠是時官兵並駐鎮筵其永綏乾州鳳凰  
三廳之地盡爲賊藪徵發既多轉饋益急沅令先碾常  
社存穀水陸並運以達五溪自辰溪崖門砦以上多苗  
寨添駐兵防驛路運道始爲周密及永綏既平銅仁苗  
亦窮蹙而湖北枝江等縣白蓮教又起沅密陳前人鷗  
勦之法於就近降苗內使以苗攻苗可不煩兵力撤勝  
兵爲併勦亂民之用議下將軍明亮悉如所奏行尋以  
籌辦苗疆善後卒於辰州軍營 上聞悼惜諭祭葬如  
例後因屬吏侵帑事牽連籍產削世廕嘉慶五年 上

壬癸志稿

鎮洋 列傳

四

念前功有 旨給復田產沅爲政深識大體不責苛細  
喜豪舉尤愛才下士四方輻輳所識拔海內知名之士  
類不下三數十人有客死者輒經紀其喪而厚卹其家  
沒後士林述其遺事往往流涕性好學掄擅羣雅著有  
靈巖山人詩三十六卷獲古書善本輒校付梓嘗撰陝  
西中州山東金石記以薛氏應旂所續通鑑頗疏漏哀  
集宋元人著撰考其異同補所未備成二百五十卷  
汪學金字敬箴廷璵子乾隆四十六年進士以第三人  
及第如其父授編修與修 純廟實錄官至左春坊左  
庶子典江西試學金少席華閎劬於學甫弱冠文譽大

起暨補中書擢上第屬有撰述當事咸相推引名日益  
重年未五十遽引疾歸里是時里中數被潮溢海口故  
道久不濬學金言於當事亟濬之嘗獨力捐建育嬰堂  
舍暇則治別圃結詩社與蘇加玉沈光春選輯婁東詩  
派上溯宋元下逮 國朝咸有論著見者服其精確學  
問淹博兼擅眾長與錢塘吳錫麒同官坊局人稱吳越  
二庶子卒年五十七

彭兆蓀字湘涵禮子少隨父宦甯武神雋有聲年十五  
入太學歷試不遇後值本省鄉舉既成行聞所知者主  
試遂不赴道光元年舉孝廉方正不就旋卒兆蓀天才

壬癸志稿

鎮洋 列傳

五

亮特爲文章閱博沈麗力追漢魏尤長於詩少務琦瑰  
中年後鑪錘眾有才調益雄乾嘉以來邑中稱詩者無  
出兆蓀右後乃講求心性詩境益澄澹孤負悃與理會  
先是父歿於潁州教授任遺債甚鉅人曰得彭君一言  
券可折矣兆蓀不欲負人卒盡斥家產以償之遂客游  
江淮爲侍郎胡克家校刊淳熙本李善注文選元刻胡  
三省注通鑑薈萃羣書多所辨正爲世善本侍郎任江  
蘇布政時大吏以國用不足議加賦兆蓀力言於侍郎  
寢其事其友婁縣姚椿作墓誌盛稱之

壬癸志稿二十終